

朝內附貢

〔日本書紀清十五〕四年八月癸丑，是日蝦夷隼人並內附。

〔日本書紀欽十九〕元年三月，蝦夷隼人並率衆歸附。

〔日本書紀齊二十六〕元年，是歲，蝦夷隼人率衆內屬詣闕朝獻。

〔續日本紀元九〕養老七年五月辛巳，大隅薩摩二國隼人等六百二十四人朝貢。

〔續日本紀聖十〕天平元年六月庚辰，薩摩隼人等貢調物。七月己酉，大隅隼人等貢調物。

〔續日本紀聖十二〕天平七年七月己卯，大隅薩摩二國隼人二百九十六人入朝貢調物。

〔續日本紀孝十七〕天平勝寶元年八月壬午，大隅薩摩兩國隼人等貢御調，并奏土風歌儂。

〔類聚國史百九十〕延曆十一年八月壬寅，制：頃年隼人之調，或輸或不輸，於政事甚涉不平，自今以後，宜令偏輸。

〔日本書紀天武十九〕十一年七月甲午，隼人來貢方物。戊午，饗隼人等於飛鳥寺西，發種種樂，仍賜祿，各有差，令道俗悉見之。

敍位賜祿

〔日本書紀持三十〕元年七月辛未，賞賜隼人大隅阿多魁帥等三百三十七人，各有差。

〔續日本紀元五〕和銅三年正月丁卯，天皇御重閣門，賜宴文武百官，并隼人奏諸方樂，隼人蝦夷等亦授位賜祿，各有差。庚辰，日向隼人會君細麻呂，致喻荒俗，馴服聖化，詔授外從五位下。

〔續日本紀元七〕養老元年四月甲午，天皇御西朝，大隅薩摩二國隼人等奏風俗歌舞，授位賜祿，各有差。

〔續日本紀元九〕養老七年五月甲申，賜饗於隼人，各奏其風俗歌舞，會帥三十四人叙位賜祿，各有差。

六月庚子，隼人歸鄉。

〔續日本紀聖十〕神龜五年四月辛巳，是時諸國郡司及隼人等授外五位，並以位祿，便給當土也。

天平元年六月癸未，天皇御大極殿，閣門隼人等奏風俗歌舞。甲申，隼人等授位賜祿，各有差。辛亥，大隅隼人始孺郡少領外從七位下勳七等加志君和○和原脫一本補，多利外從七位上佐須岐君夜麻等久

大隅隼人始孺郡少領外從七位下勳七等加志君和○和原脫一本補，多利外從七位上佐須岐君夜麻等久

大隅隼人始孺郡少領外從七位下勳七等加志君和○和原脫一本補，多利外從七位上佐須岐君夜麻等久

大隅隼人始孺郡少領外從七位下勳七等加志君和○和原脫一本補，多利外從七位上佐須岐君夜麻等久